

Broj: 03-04-805-2/26
Sarajevo, 17.06.2026. godine

PARLAMENT FEDERACIJE BOSNE I HERCEGOVINE
Zastupnički dom

n/p gosp. Ivanu Miličeviću, tajniku ✓
n/p gosp. Dennisu Gratzu, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 18-06-2026			
Org. jed.	Broj	Priloga	Vrijednost
05/11	-02-	353	1/26

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u pritvku Vam dostavljam akt Federalnog zavoda za mirovinsko i invalidsko osiguranje, broj: FZ3/2-4-7-438-3/26 od 09. lipnja 2026. godine, koji se odnosi na zastupničko pitanje zastupnika Dennisa Gratzu.

S poštovanjem,



TAJNIK VLADE

dr. sc. Edita Kalajdžić

Privitak: kao u tekstu

5053

BOSNA I HERCEGOVINA
FEDERACIJA BOSNE I HERCEGOVINE
FEDERALNI ZAVOD ZA MIROVINSKO I
INVALIDSKO OSIGURANJE
FEDERALNI ZAVOD ZA PENZIJSKO I
INVALIDSKO OSIGURANJE
Ured direktora i zamjenika direktora



Broj: FZ3/2-4-7-438-3/26
Sarajevo, 09.06.2026. godine.



BOSNA I HERCEGOVINA
Federacija Bosne i Hercegovine
Vlada
Hamdije Čemerlića 2, 71000 Sarajevo
n/r Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 17.05.2026			
Organizacione jedinica	Klasifikaciona oznaka	Reelni broj	Broj priloga
03-09-805-2/2026			

Predmet: Izjašnjenje, dostavlja se

Veza Vaš broj: 03-04-805-2/26 od 02.06.2026. godine.

Povodom Vašeg akta, broj i datum veze kojim tražite da Vam se u vezi sa inicijativom zastupnika u Zastupničkom domu Parlamenta Federacije BiH, Dennisa Gratz, upućenoj Vladi FBiH, Poreznoj upravi FBiH, JP Elektroprivreda i ovom Zavodu, kojom traži da se dostavi Informacija o statusu radnika RMU "Zenica" d.o.o. Zenica koji su ispunili uslove za penzionisanje, ali zbog neuplaćenih doprinosa ne mogu ostvariti pravo na penziju, kao i informacija o svim dosadašnjim i planiranim uplatama doprinosa za PIO/MIO za ove radnike, dostavljamo izjašnjenje kako slijedi:

Članom 4. Zakona o organizaciji penzijskog i invalidskog osiguranja Federacije Bosne i Hercegovine («Sl. novine FBiH», broj: 32/01 i 18/05) propisano je da Federalni Zavod obavlja slijedeće poslove:

- obavlja poslove iz penzijskog i invalidskog osiguranja u skladu sa ovim zakonom, Zakonom o penzijskom i invalidskom osiguranju, drugim zakonima i svojim Statutom;
- prikuplja doprinose za penzijsko i invalidsko osiguranje i isplaćuje penzije,
- provodi postupak za ostvarivanje prava iz penzijskog i invalidskog osiguranja,
- posluje sredstvima i imovinom Federalnog zavoda,
- obavlja druge poslove u skladu sa zakonom, Statutom i drugim općim aktima.

U poglavlju II Statuta Federalnog zavoda za penzijsko/mirovinsko i invalidsko osiguranje ("Službene novine Federacije BiH", broj: 38/03, 86/15 i 07/24), regulisano je pitanje nadležnosti, prava, obaveze i odgovornosti Federalnog zavoda, te je članom 4. Statuta propisano da Federalni zavod organizuje i provodi penzijsko i invalidsko osiguranje dok član

5. stav (1) Statuta propisuje da Federalni zavod, pored poslova utvrđenih zakonom, obavlja slijedeće poslove:
- osigurava zakonitost u ostvarivanju prava iz penzijskog i invalidskog osiguranja i pruža stručnu pomoć osiguranicima i korisnicima prava,
 - odlučuje u prvom i drugom stepenu upravnog postupka u ostvarivanju prava i obaveza iz penzijskog i invalidskog osiguranja,
 - osigurava provođenje penzijskog i invalidskog osiguranja primjenom međunarodnih ugovora o socijalnom osiguranju,
 - provodi postupak u ocjenjivanju radne sposobnosti u penzijskom i invalidskom osiguranju,
 - vodi odgovarajuće evidencije o osiguranicima i korisnicima prava iz penzijskog i invalidskog osiguranja, te provodi statistička istraživanja,
 - vodi informacijski sistem koji osigurava obavljanje aktivnosti Federalnog zavoda,
 - prikuplja sredstva za penzijsko i invalidsko osiguranje iz drugih izvora, bez zaduživanja Federalnog zavoda, upravlja i posluje tim sredstvima,
 - donosi opća akta za provođenje penzijskog i invalidskog osiguranja,
 - vrši programiranje i planiranje razvoja sistema penzijskog i invalidskog osiguranja i Federalnog zavoda,
 - obavlja i druge poslove u provođenju penzijskog i invalidskog osiguranja.

Stavom (2) istog člana propisano je da Federalni zavod osigurava pružanje usluga osiguranicima i korisnicima prava u Federaciji Bosne i Hercegovine, putem svojih organizacionih jedinica.

Federalni zavod je javna ustanova koja provodi propise iz oblasti penzijskog i invalidskog osiguranja, te vas s tim u vezi, informišemo da je nadležna Kantonalna administrativna služba u Zenici zaprimila, odnosno kod iste je ukupno u radu 50 zahtjeva za penziju, zaposlenika Rudnika mrkog uglja "Zenica", koji nisu riješeni iz razloga što je u toku postupak provjere i kontrole uplate doprinosa za penzijsko i invalidsko osiguranje.

Dakle u vezi sa postavljenim zastupničkim pitanjem Federalni zavod naglašava da se u svakom pojedinačnom slučaju, a prilikom podnošenja zahtjeva za penziju cijene uslovi za penziju, kako u pogledu navršenih godina života, tako i u pogledu ukupno ostvarenog penzijskog staža, pri čemu se penzijski staž, odnosno staž osiguranja utvrđuje prema izvršenim uplatama doprinosa za penzijsko i invalidsko osiguranje.

DIREKTOR

Halil Subašić, Mr. iur.